



Informacija o stanju vodostaja na vodnom području rijeke

Save u FBiH

Sarajevo, 15.10.2015 u 12:00 sati

Obilne padavine registrovane su naročito u posljednja 24 sata, od 12 mm u Sarajevu do 83 mm u Tuzli. Tlo je relativno zasićeno usljed padavina u prethodnom periodu tako da su padavine registrovane u posljednja 24 sata prouzrokovale intenzivnije oticanje prema vodotocima. Na svim vodotocima na vodnom području rijeke Save u Federaciji BiH registruje se porast vodostaja. Značajniji porast vodostaja se bilježi na slivovima Une, Sane, Usore i Spreče. Vrijednosti satnog povećanja vodostaja kreću se u dijapazonu od 3 cm/satu na rijeci Bosni u Žepču do 24 cm/satu na rijeci Usori u Kaloševićima. Trend porasta od 10 cm/satu se bilježi u Sanskom Mostu na rijeci Sani, Hrustovu na Sanici i Karanovcu na Spreči.

Prema procjenama baziranim na raspoloživim meteorološkim prognozama i podacima iz Informacionog sistema voda, ne očekuju se izlivanja vodotoka iz korita izuzev bujičnih vodotoka, te se skreće pažnja na povećan oprez stanovništvu koje živi uz ove vodotoke.

Na dijelu rijeke Save koji je u nadležnosti Agencije registruje se porast vodostaja od 3-4 cm/satu. Sagledavajući situaciju na uzvodnom dijelu toka rijeke Save ne očekuje se značajnije povećanje vodostaja u narednom periodu te se time i ne očekuje provođenje mjera odbrane od poplava na tom području.

Odjeljenje za informacioni sistem voda
Dežurni centar

